

人道論

吾嘗遍寰區而閱歷焉見盈天下皆人也盈天下而人甚少人而人乃所以爲人人而不人則亦名爲人而實非人然人名爲人而非人者以其人有人之人道而人道之未盡何以爲人彼人道莫大於忠人而臣臣而人也盡乎忠則臣道盡而人道盡人道莫大於孝人而子子而人也盡乎孝則子道盡而人道盡由此而推莫不皆然而古今來大聖大賢亦何莫非忠臣義士孝子悌弟之所爲乎人果隨在而盡乎人道以仁宅衷以義處事以積德爲根本以方便爲措施卽此可以希聖希賢卽此可以成真作則又何必區區焉別求一了道成仙之法而妄希於不可知之數哉是在人之三思而已矣

道藏輯要

呂帝文集

四

室集五